

փրկութեան Սուրբ Գրքերում - Salvation Scriptures

ԵՓԵՍՍՑԻՆԵՐ 2:2 որոնցում մի ժամանակ ընթանում էիք ըստ այս աշխարհի սովորութեան՝ հնազանդուելով օդում տիրող իշխանի այն ոգուն, որ այժմ ներգործում է ապստամբող մարդկանց մէջ:

ՄԱՏԹԷՈՍԻ 6:10 «Հա՛յր մեր, որ երկնքում ես. սո՛ւրբ թող լինի քո անունը.

ՂՈՒԿԱՍԻ 22:42 «Հա՛յր, եթէ կամենում ես, այս բաժակը ինձնից հեռացրո՛ւ, բայց ոչ թէ իմ կամքը, այլ քո՛նք թող լինի»:

ՅՈՎՀԱՆՆԷՍ 16:7-9 Բայց ես ճշմարիտն եմ ասում ձեզ. լաւ է ձեզ համար, որ ես գնամ. որովհետեւ, եթէ ես չգնամ, Միսիթարիչը ձեզ մօտ չի գայ. իսկ եթէ գնամ, նրան կուղարկեմ ձեզ մօտ: 8 Եւ նա գալով՝ պիտի ապացուցի աշխարհին, որ նա սխալ է մեղքի եւ արդարութեան հարցում եւ դատաստանի հարցում:

2 ՏԻՄՈԹԷՈՍ 2:10 Դրա համար ամէն ինչի համբերում եմ ընտրեալների սիրուն, որպէսզի նրանք էլ հասնեն փրկութեան եւ երկնային փառքին, որ Քրիստոս Յիսուսի միջոցով է:

ՀՈՈՄԷԱՑԻՆԵՐԻՆ 15:20,21 այսպէս՝ ջանացի աւետարանել այնտեղ, ուր Քրիստոսի անունը չէր տրուած, որպէսզի չլինի թէ կառուցեմ ուրիշի դրած հիմքի վրայ, այլ՝ ինչպէս որ գրուած է. 21 Ահա թէ ինչու շատ անգամ արգելուեց ինձ գալ ձեզ մօտ:

ԳՈՐԾՔ ԱՌԱՔԵԼՈՑ 2:36,37 Արդ, Իսրայէլի ամբողջ տունը վստահօրէն թող իմանայ, որ Աստուած նրան է՛ւ Տէր, է՛ւ Օծեալ արեց, այն Յիսուսին, որին դուք խաչեցիք»: 37 Այս լսելով՝ ներկաները զոջացին իրենց սրտերում եւ ասացին Պետրոսին եւ միւս առաքեալներին. «Ի՞նչ պիտի անենք, եղբայրնե՛ր»:

ԹՈՒՂԹ ԵԲՐԱՅԵՑԻՆԵՐԻՆ 4:2 քանզի աւետուած է, ինչպէս եւ նրանց: Բայց խօսքը լսելը չօգնեց անապատում եղողներին, որոնք հաւատով չլսեցին այն:

ԵՐԵՄԻԱ 24:7 Ես նրանց այնպիսի սիրտ եմ տալու, որ ճանաչեն ինձ, թէ ես եմ Տէրը. թող նրանք ինձ համար ժողովուրդ լինեն, իսկ ես նրանց համար կը լինեմ Աստուած, որպէսզի նրանք իրենց ամբողջ սրտով ի՛նձ դառնան:

ԳՈՐԾՔ ԱՌԱՔԵԼՈՑ 16:14 Եւ Լիդիա անունով աստուածավախ մի կին, որ Թիւստիւր քաղաքից էր եւ ծիրանի զգեստներ վաճառող, լսում էր. եւ նրա սիրտը Տէրն ինքն էր բացել՝ անսալու Պօղոսի խօսքերին:

ՄԱՏԹԷՈՍԻ 13:14,15 Եւ նրանց վրայ կատարուում է Եսայու մարգարէութիւնը,

որ ասում է՝ պիտի լսեք, պիտի լսեք ու պիտի չիմանաք, պիտի նայեք, պիտի նայեք ու պիտի չտեսնեք. 15 որովհետեւ այս ժողովրդի սիրտը կարծրացաւ, եւ իրենց ականջներով ծանր են լսում. եւ փակեցին իրենց աչքերը, որպէսզի երբեք աչքերով չտեսնեն ու ականջներով չլսեն եւ սրտով չիմանան եւ դարձի չգան, ու ես նրանց չբժշկեմ:

ԵՍՍՅԻ 6:9,10 Նա ասաց. «Գնա՛ եւ յայտնի՛ր այդ ժողովրդին. «Լսելով պիտի լսեք, բայց չիմանաք, տեսնելով պիտի տեսնեք, բայց չճանաչեք». 10 քանզի այդ ժողովրդի սիրտը կարծրացել է, ծանր են լսում իրենց ականջներով, իրենց աչքերն էլ փակել են, որպէսզի չլինի թէ երբեւէ աչքերով տեսնեն ու ականջներով լսեն, սրտով իմանան ու դարձի գան, եւ ես էլ բժշկեմ նրանց»:

ՄԱՐԿՈՍԻ 4:11,12 Եւ նրանց ասաց. «Ձեզ է տրուած իմանալ Աստուարքայութեան խորհուրդները, բայց նրանց համար, որ ձեզնից դուրս են, ամէն ինչ առակներով կը լինի, 12 որպէսզի նայելով հանդերձ չտեսնեն եւ լսելով հանդերձ չիմանան, որ մի գուցէ երբեւէ դարձի գան, եւ իրենց ներուի»:

ՅՈՎՀԱՆՆԷՍ 12:39,40 Չէին կարողանում հաւատալ եւ այն բանի համար, որ Եսային վերստին ասում է. 40 «Նրանց աչքերը կուրացրեց եւ նրանց սրտերը կարծրացրեց, որպէսզի աչքերով չտեսնեն ու սրտերով չիմանան եւ դարձի չգան, ու ես նրանց չբժշկեմ»:

ՀՌՈՄԷԱՅԻՆԵՐԻՆ 11:7,8 Իսկ արդ, ինչ որ Իսրայէլը փնտռում էր, դրան չհասաւ. բայց ընտրուածները հասան, իսկ մնացածները կուրացան, 8 - ինչպէս գրուած է՝ Աստուած նրանց յիմարութեան հոգի տուեց, աչքեր, որոնցով չպիտի տեսնեն, եւ ականջներ, որոնցով չպիտի լսեն, - մինչեւ ներկայ ժամանակները:

2 ԹԵՍԱՂՈՆԻԿԵՑԻՆԵՐ 2:10,11 Խաբեբայական գորաւոր գործերով եւ անիրաւութեան բոլոր պատրանքներով կորստեան մատնուածների վրայ. եւ այդ ամէնը այն բանի փոխարէն, որ չընդունեցին ճշմարտութեան սէրը, որպէսզի փրկուեն: Դրա համար էլ Աստուած նրանց պիտի ուղարկի գորաւոր մի մոլորութիւն, որ նրանք հաւատան ստին 11 եւ դատապարտուեն բոլոր նրանք, որ չհաւատացին ճշմարտութեանը եւ հաճոյք գտան անօրէնութեան մէջ:

ՄԱՏԹԷՈՍԻ 13:18-23 «Եւ արդ, լսեցէ՛ք դուք սերմնացանի առակը. 19 ամէն մէկից, ով լսում է արքայութեան խօսքը եւ չի հասկանում, չարը գալիս է եւ յափշտակում նրա սրտում սերմնանուածը. դա այն է, որ ճանապարհի եզերքին սերմնանուեց: 20 Եւ որ ապառաժի վրայ սերմնանուեց, այն է, որ երբ լսում է խօսքը, իսկոյն ուրախութեամբ էլ ընդունում է այն: 21 Բայց քանի որ

ինքն իր մեջ արմատներ չունի, այլ մի որոշ ժամանակի համար է հաւատում, երբ խօսքի համար նեղութիւն եւ հալածանքներ լինեն, իսկոյն սայթաքում ընկնում է: 22 Իսկ որ փշերի մեջ սերմանուեց, այն է, որ լսում է խօսքը, բայց աշխարհիս հոգւերը եւ հարստութեան պատրանքները խեղդում են խօսքը, եւ սա լինում է անպտուղ: 23 Իսկ որ լաւ հողի մեջ սերմանուեց, այն է, որ երբ լսում է խօսքը եւ հասկանում, պտուղ է տալիս. կայ որ մէկի դիմաց՝ հարիւր, կայ որ մէկի դիմաց՝ վաթսուն եւ կայ որ մէկի դիմաց՝ երեսուն»:

2 ԿՈՐՆԹԱՑԻՆԵՐԻՆ 3:15,16 Եւ մինչեւ այսօր, երբ Մովսէս են կարդում, նոյն վարագոյրը մնում է նրանց սրտերի վրայ: 16 Իսկ երբ դառնան Տիրոջը, ապա վարագոյրը կը վերացուի,

ԵՍԱՅԻ 30:28 Ահաւասիկ, երկար տարիներ ու բազում ժամանակներ անց պիտի գայ Տիրոջ անունը՝ բարկութեամբ վառուած եւ փառքով լի. բարկութեամբ լի են լինելու նրա շուրթերի ու բերանի խօսքերը: Նրա բարկութիւնն ու ցասումը կրակի պէս պիտի լափեն,

ՕՍԷԷ 11:3-7 Ես խափանեցի Եփրեմի ընթացքը եւ նրան վերցրի իմ բազուկների վրայ. 4 չիմացան, որ ես բժշկում եմ նրանց: Երբ մարդիկ ապականուեցին, ես կապեցի նրանց իմ սիրոյ կապերով եւ նրանց համար դարձայ այնպիսին, որ ապտակում է ուրիշի ծնօտին: Ես հոգ կը տանեմ եւ կը յաղթեմ նրան: 5 Եփրեմը բնակուեց Եգիպտոսում, իսկ ասորեստանցին նրա թագաւորն էր, քանի որ չուզեցին վերադառնալ: 6 Նա սրով տկարացաւ իր քաղաքներում եւ դադարեց կոիւ մղել իր ձեռքերով: Նրանք կը ճաշակեն իրենց խորհուրդների պտուղը: 7 Նրա ժողովուրդը կախուած կը մնայ իր բնակավայրից, եւ Աստուած կը բարկանայ նրա պատուական բաների վրայ ու չի մեծարի նրան:

ԳՈՐԾՔ ԱՌԱՔԵԼՈՑ 26:18 որպէսզի բանաս նրանց աչքերը, նրանց դարձնես խաւարից դէպի լոյս եւ սատանայի իշխանութիւնից՝ դէպի Աստուած, որպէսզի նրանք մեղքերի թողութիւն ստանան եւ սրբերի հետ ժառանգութեան բաժին՝ իմ հանդէպ ունեցած հաւատով»:

2 ՏԻՄՈԹԷՈՍ 2:22-24 Այսպէս ուրեմն՝ Տիրոջ ծառան պէտք չէ որ կոիւ անի, այլ բոլորի հանդէպ լինի հեզահամբոյր, ուսուցանող, անոխակալ՝ 23 հանդարտութեամբ խրատելու համար հակառակողներին, որ թերեւս Աստուած նրանց ապաշխարութիւն տայ, որպէսզի ճանաչեն ճշմարտութիւնը 24 եւ զգաստանալով՝ ազատուեն Սատանայի որոգայթներից, որոնց մեջ բռնուած են նրա կամքը կատարելու պատճառով:

ՅԱՅՏՆՈՒԹԻՒՆ 3:17-19 քանի որ ասում ես. «Հպարտ եմ եւ առաւել

հարստացայ ու ոչ մի բանի կարօտ չեմ»։ Բայց չգիտես, թե ողորմելի ես դու, թշուառ եւ աղքատ, մերկ եւ կոյր: 18 Արդ, մի խորհուրդ տամ քեզ. ա՛ռ, գնի՛ր ինձնից կրակի բովով անցած ոսկի, որ հարստանաս. գնի՛ր սպիտակ զգեստներ, որ հագնես, որպէսզի քո մերկութեան անվայելչութիւնը չերեւայ, եւ քո աչքերին դեղ դի՛ր, որ տեսնես: 19 Ում սիրում եմ ես, նրան յանդիմանում եմ եւ խրատում: Նախանձախնդի՛ր եղիր ուրեմն եւ ապաշխարի՛ր:

2 ԿՈՐՆԹԱՅԻՆԵՐԻՆ 7:10 որովհետեւ տրտմութիւնը, ըստ Աստծու ուզածի, ապաշխարութիւն է առաջ բերում փրկութեան համար, որը զոջում չի պատճառում. իսկ աշխարհի տրտմութիւնը մահ է առաջ բերում:

3 ԹԱԳԱԻՈՐՈՒԹԻՒՆՆԵՐ 18:37 Լսի՛ր ինձ, Տէ՛ր, պատասխանի՛ր ինձ հրով, որ այս ժողովուրդը գիտենայ, թե դու ես Տէր Աստուածը, եւ դու յետ դարձրիր այս ժողովրդի սիրտը»:

2 ԿՈՐՆԹԱՅԻՆԵՐԻՆ 4:4 որոնց՝ այդ անհաւատների մտքերը այս աշխարհի աստուածը կուրացրեց, որպէսզի նրանց մէջ չծագի Քրիստոսի Աւետարանի փառքի լոյսը, Քրիստոսի, որ պատկերն է աներեւոյթ Աստծու:

ՂՈՒԿԱՍԻ 8:11-15 Իսկ առակը այս է նշանակում. սերմը Աստծու խօսքն է: 12 Որոնք որ ճանապարհի եզերքին են, այդ նրանք են, որ լսում են, եւ ապա սատանան գալիս հանում է խօսքը նրանց սրտից, որպէսզի չհաւատան եւ չփրկուեն: 13 Եւ որոնք որ ապառաժի վրայ են, այդ նրանք են, որ, երբ լսեն, խնդրեամբ են ընդունում խօսքը, բայց արմատ չեն բռնում. սրանք միառժամանակ հաւատում են, իսկ փորձութեան ժամանակ՝ հեռանում: 14 Իսկ այն, որ փշերի մէջ ընկաւ, այդ նրանք են, որ, երբ լսում են խօսքը, աշխարհի հոգւերով, հարստութեամբ եւ զուարճութեամբ զբաղուած լինելով՝ խեղդում ու անպտուղ են լինում: 15 Իսկ այն, որ պարարտ հողի վրայ է, նրանք են, որ բարի եւ զուարթագին սրտով լսելով խօսքը՝ ընդունում են այն եւ յարատելելով պտուղ են տալիս»:

ԳՈՐԾՔ ԱՌԱՔԵԼՈՑ 15:11 Այլ Տէր Յիսուս Քրիստոսի շնորհով հաւատում ենք, որ կը փրկուենք, ինչպէս եւ նրանք»:

ՀՌՈՍԷԱՅԻՆԵՐԻՆ 8:13 որովհետեւ, եթէ ըստ մարմնի ապրէք, կը մեռնէք. իսկ եթէ Հոգով մարմնի գործերը սպանէք, կապրէք.

Pastor T. John Franklin
Church of Salvation, Healing, and Deliverance
COS-HAD.org